



Universitätsbibliothek Paderborn

**Dissertatio Paraenetico Apologetica In Vitam Mirabilem,
& Cœlestes Revelationes Venerabilis Virginis Marinæ De
Escobar Vallisoletanae, Ordinis Sanctimonialium S.
Brigittæ in Hispania Fundatricis**

Tanner, Jan

Neap., 1690

§. 8. Obiectiones quædam diluuntur.

urn:nbn:de:hbz:466:1-41415

& affectum ad eas diligenter, ac piè voluendas, & lu-
men ad debitè intelligendas elargiatur, ut sic defectū,
qui sèpè in nostris orationibus mentalibus contingit,
compensemus.

§. VIII.

Obiectiones quædam diluuntur.

57. **I**N primis adverti graves etiam viros à Fide revelationibus ejusmodi præstanta retineri, eò quod videantur sibi contradicere; id quod præcipuè notatur circa vulnera Christi Domini, quorum non tot millia computantur in revelatione una, quot in altera; ut proindè necessariò alterutra revelatio falsa, & consequenter fictitia, aut illusoria sit habenda. Quod si jam semel deprehendantur falsæ, nullam amplius in toto fidem merentur. Sed ad quæstionis hujus solutionem advertendum est, rebus divinis, & Propheticis, frequens esse, ut sint profundæ, & obscuræ. Grandis certè Sanctos Patres extitit labor, ut Evangeliorum concordiam demonstrarent. Quantùm S. Augustinus circa totam Sacram Scripturam hoc in genere desudarit, apparat ex ejus de Civitate DEI libris. Et quidē quod ad vulnera Christi Domini attinet, poterat ipse ea, diversis vicibus diverso modo computare, nunc vulnera seorsim sine ictibus, & vibicibus, nunc ictus simul, & vibices, & vulnera; nunc vulnera solius flagellationis, nunc totius corporis: nunc sola paulò majora, nunc omnia etiam minutissima: nunc quædam ob vicinitatem; aut quia eodem ictu inficta, conjungendo, nunc singula minutim separando. Ut ta-

M

ceam

ceam quod in numeris, ac cifris, facilis sit lapsus typi, & descriptoris ; qui et si quandoque irrepsisset, ita ut deum manifestus error deprehenderetur, nunquid propterea revelationes omnes abiiciendae ? planè sicut si omnes Indulgentias, omnesque Sanctas reliquias; omnes item Sanctorum Patrum libros abiiciamus, quia , & in his non solum errores, sed, & fraudes, & imposturæ contingunt. Corrigenda ergo benevolè sunt, quæ clarum errorem habent; quæ verò nimis obscura , ea tantisper relinquenda , ac interim aliis clarioribus ad salutem animarum nostrarum utendum est .

58. Adde quod, & à Sanctis quandoque revelationibus intersparsæ narrantur eorum piæ contemplationes ; ad quod si minus attentus Lector non advertat, perplexus redditur. Sic l. 2. c. 2. Ven. Marina refert quomodo contemplata sit Santos Parentes Deiparae Virginis in die ejusdem Præsentationis; nec tamen dicit, sic sibi esse revelatum . Deinde contingit, ut narrant quædam se sic in revelatione vidisse; nec tamen asserant sibi revelatum, sic re ipsâ quondam contigisse. Sic Ven. Marina l. 2. c. 6. narrat se parvulum Christum Dominum natum vidisse pendentem in aere, & non vidisse, an tetigerit terram . Nec tamen dicit eum terram non attigisse; multoque minus asserit sibi revelatum : quod re vera tempore suæ nativitatis nō attigerit terram; ut propterea nihil hinc habeamus determinatum .

59. Dicunt alii, multas fœminas esse deceptas, adeoque se nihil velle negotii habere cum fœminis . Dico ego: multi Religiosi apostatarunt, diruamus ergo omnia Monasteria . Sensus iste, est hominum primos statim impetus sequi assuetorum . At vir sapiens, videt, solummodo sequi, quod necessaria sit diligens cautela, etiam circa pias mulieres; qualem profecto, & ego

ego supra suas, nec nisi eas revelationes, quas commune doctissimorum sapientissimorumque simul ac Sacerdotum virorum judicium comprobavit, dixi securè, & sine ulteriore cura admittendas. Decepit fēmina Tertullianum; at obstitit. & reprobavit summus Pontifex; obstitere tunc statim, & reclamavere magno numero viri sapientes. Neque verò mulieres imposturam, aut facientes, aut patientes, unquam ea possunt tradere sublissima spiritualia lumina, & documenta, qualia in revelationibus supra §.2. relatis admiramur; sed substantia gloriæ earum solet consistere in quibusdam miraculi speciem præferentibus; ut quod vulneribus Christi Domini putentur insignitæ, quòd sublimes à terra in flammis pendeant; quod multum jejunent. Alia profectò sunt argumenta veritatis revelationum à sæculis celebrium Sanctorum fœminarum; prout inter alias fuisse, certum est in Sancta illa Ancilla Christiana, quæ totam Iberorum gentem in Asia ad fidem Christi Domini convertit, prout annotatur in martyrologio Romano ad diem 15. Decemb.

60. Quod si hoc solùm, quòd sit fœmina, quòd sit vetula, quòd sit puella sufficit, ut extrà dubitationem, & attonitam quandam admirationem eluctari nō possumus, miremur ergò similitèr, quinàm fieri potuerit, ut unam puellam Iudæam DEUS super omnes Sanctos, & Angelos eyexerit, in supremam Cœlorum Reginam.

61. Obiiciunt alii, Revelationes has etiam à viris doctis irrideri, aut faltem non commendari. His jam supra respondi. Hanc nempè DEUS à suis creaturis inter ceteras patitur etiam calumniam, ut prætiosissima, & rariora ejus dona contemnuntur; consueta sola laudentur. Incarnatio, & Passio Judæis erat scandalum, Gentibus stultitia: valdè dolendum est, quod quando-

que proptèr ejusmodi nō exiguē auctoritatis viros, multi etiam seculares, & magnates fructum harum revelationum perdant, qui si eas viderent ab eis commendari, ad earum lectionem excitarentur, ad vitam Sanctā aspirarent. Multi etiam hinc Doctrinam Asceticam, & discretionem spirituū haurirent, necessariam prò aliorum in via spirituali directione. Nunc autem, quandoque verum hīc illud est Christi Domini: *tulerunt clavem, ipsi non introjerunt, nec alios introire permiserunt.* *Luc. 11.v.52.* si quem ejusmodi irrigorem DEUS Ven. Marinæ in Confessarium dedisset, quantūm is Sanctam illam animam impeditivisset: & excruciasset.

62. Prætereà mirantur aliqui, quod Sanctæ illæ tempore harum visionum, tam mirabilia, & quasi ridicula faciant: immemores quam mirabilia, legamus in Apocalypsi, quin, & de S. Petro in Monte Thabor. Nonnè, & in quovis alio gaudii excessu videmus accidere, ut planè faciamus ea, quæ alioquin inepta judicaremus? & proptereà non opus est, ut omnia imitatione exprimamus, cum quædam Sanctorum gesta sint solummodo admiranda.

63. Adhuc opponunt alii, se denique ad tales revelationes non habere piam affectionem. At respondeo, fortè nec eam cupiunt, nec à DEO unquam postularunt. Religiosum, & perfectionem, multi naufragant proptereà dixi supra, non omnibus has revelationes prodesse.

64. Sed tamen dicunt in his non consistere substantiam vitæ Christianæ, aut Religiosæ: Omnipotè; nec in aromatibus consistit substantia ciborum: repudiemus ergò omnia condimenta. Solida, & præcisè necessaria vestis est quodpiam linteum, & pellis quibus obvoluamur; ergò Sartores elegantiae, & commoditatis sectatores emandemus.

65. Re-

65. Reponunt nihilominus, malle se talia legere in viris contemplativis. At re vera vix fidem inveniet. Nam qui orationem mentalem verè adamant, solent magnoperè desiderare, ut subsidia sanctorum cogitationum, inde accipient, qualibus profectò revelationes Sanctorum planè abundant, itaut etsi non veræ revelationes, sed meræ essent pie contemplationes, validè adhuc prodeissent. Quin, & longè securius leguntur, quam Rusbrochius, Thaulerus, Suso, Harphius, aliiq; contemplationis magistri, quorum scripta per se intellectu ardua, & imitatu censemur esse periculosa; praeterquamquod quibusdam in locis à rudibus Sciolis sint corrupta.

66. Sed cum ad hæc, & similia, his Venerabilis Marinæ Cœlestibus revelationibus adversatiū tela retundenda, dictas querevelationes Lectoribus commēdandas, nullum sit scutum inexpugnabilius, nec argumentum efficacius, quam Prologus, quem revelationibus S. Gertrudis à se conscriptis, Joannes Lanspergius præfixit: liceat ipsum transcribere, ad omnium obiectionum solutionem indubitatem, & ipsarummet revelationum dignam, quam merentur æstimationem.

§. IX.

*Joannis Lansbergii Cartbusiani Prologus ad
revelationes S. Gertrudis editas opera
Tilmanni Bredenbachii Sacrae
Theologie Doctoris.*

67. **I**N lucem prodicimus librum divinarum revelationum, quod certè genus eruditionis, non debueramus ignorasse haud admodum gratū iis